

Arfaŋ Bajinka I Tuloo Loo !

[Page 1]

Ḥasbuna l-Lāhu wa ni‘mal wakīl wa ni‘mal naṣīr

Qāla Abuubakar Daabo al-ma‘arūf bi arafī Sitookoto

ḥi uṣūl al-mīrāth hiya sunnatu dabakahaa habaadabaje

Arfaŋ Bajinka i tuloo loo ŋa i so fayida la jaŋ

Nii lafiita kee lonna kee la siloo habaadabaje

Moo luulu wo le ñanta nisfoo taa la kee to Afaŋ

Nna ñiŋ kumoo duŋ ni yaa jii-jii fo i yaa fili jee

Ni lafiita naaninjaŋoo taalaalu lonna fula

Ni yaa siyaa wo ti duŋ lonnaalu se a fo ko, jee!

[Page 2]

Bari sumunu talaa nii baa yirika la a fo kiliŋ

Ni i maŋ doo laa wo kaŋ kee too a faa ye bo jee

Moo naani wolu le taa mu niŋ i maŋ i nakari sulusu fula

Kanaa sikaa to a fo moo te i barandi la jee

Sulusuu wo talaa fanaŋ maŋ a jiindi moo fula ma

Miŋ yaa siyaandi wo ti a faa ye ite maŋ wo je jee

Bari sudusu talaa la wole la saayiŋ i be taa wooro la le

lasloo fele a banta jaŋ moo te i boyindi la jee

[Page 3]

Bāb aṣḥāb al-thulthayn

Taalaa la diŋ-musu foloo mamariŋ-musoolu foloo

baadiŋ musoolu foloo wolu taa mu sulusuu fula

I bi taa faa niŋ baa waraŋ faa la doronŋ niŋ moo baa

Hani niŋ naafulu se siyaa moo te i lafaa la wo la

Bāb aṣḥāb al-thuluth

Moo faata diŋ taa fee mamariŋ fanaŋ te a fee

A baa taa mu sulusu le ti moo ta nakari la wo la

[Page 4]

Baadiŋolu moo fula waraŋ baadiŋ jamaa le mu baŋ

wolu taa mu sulusu le ti moo bee be tembe la le

Bāb aṣḥāb al-sudus

Dintaŋolu faama aniŋ i baamaa aniŋ i mama kee

niŋ mama musoolu fanaŋ baadiŋolu be i kara la

Baadiŋ kiliiŋ baa la diŋ-kee diŋ-musoo kafuriŋ

be kooma wolu doo ite be i niiboo la sudusu le la

Baadiŋ-musoo faalaa niŋ baadiŋ sakiiku-musoo

kafuriŋ mbinkiriŋo n kara i bee niiboo sudusoo le la

[Page 5]

A neemoolu niŋ kiisoolu daani Afaŋ

Kaa kerekereŋ i ya ñoo soosoo kumoolu bula

N be neemoolu niŋ kiisoolu daani la jaŋ

Kiilaa ye a naa la jamaa Alamaa jamaa kafu la

Tammam

Qaala Abuubakarín Daabo abii yashtakii ilal raah

al-wahaab bi lughatil shi‘ran

M Maari firii ke ñe i yaa haajoolu jaara bitaŋ

Miŋ se n seyindi nna dimbaayaalu kaŋ kataba

[Page 6]

Wo niŋ nte nii baa aniŋ kiisoo aniŋ darajoo

Niŋ tanka niŋ yirwa niŋ seewoo niŋ jele baa

N Maariyo n so naafula miŋ siŋ sutura janfu jaŋ-naa

Miŋ se n wali naa seyindaa n yaa aniŋ fuda baa

Miŋ se n kanunteelu bee kontaani fo i ka jele

Miŋ se n jawoolu bee ñaa meseyandi niŋ suna baa

Hani fo wo musoolu niŋ dindimbaa yaa bee ye jabi la

Hani fo wo jayilaalu bee yaa fo ñiŋ yaa kataba

[Page 7]

Ite miŋ na neemoo i maa dii moo kiliŋ na dunyaa

Koru moo kendo i baŋ ato baŋ waraŋ i kata baŋ

A duŋ ɪla fisayaa i maŋ moo ker-ker a la fanaŋ

Dindiŋ mu keebaa mu duniyaa jaŋ waraŋ musu baa

ŋe kili Wahaabu la ŋa i kili yaa Kariimu la yaa

Fondinsiree baa wo na jaŋ sabatoo wo mu n kori baa

Baadiŋ te a loŋ-na kuu-wo-kuu i te yaa ke fanaŋ

Sanji-dii soto feŋolu niŋ buuñaa aniŋ horomoo

[Page 8]

Daafegoolu maa faŋ-na niŋ kuliyaa aniŋ kanu baa

Kayira le baa kooma kayiro dii nna aniŋ soto baa

I saa jindi soto feŋo la niŋ buuñaa aniŋ horomoo

Daafegoolu ma fanaŋ niŋ kuliyaa aniŋ kanu baa

Kana n jikoolu juubee kana n jikoolu tiñaa

Feŋ dii nna miŋ se n seyindi naŋ moolu kaŋ kataba

I maŋ a ke kasi ti ka taa taamoo la doo taa ka faa

Mansoo la lañinoo a maŋ kori moo la farandumba

[Page 9]

Muna nna kuntiyo Musa niŋ Hadaroo maŋ seynaŋ baŋ

Taamoo la, wolu duŋ, fooloo Maariyoo la joŋ bete baa

Kiilaa ye saajii kotoŋ koo moosi taama dulaa

Hani faa ye kee-kee jamaa bondi a la miŋ te wo baŋ

Niŋ naa si bato waraŋ a ye boŋ i taa kela nuŋ

Duŋkino wole baa karanna kutuboo toola Tubaa

Kana Pakaawu Kanji Keraaluyaa Kasamaa

Kanaa jiibaayaa wo miŋ ñoo baa bulu ate baŋ

[Page 10]

Han faa ye saaji saba kamalindi taama dulaa

Wo duŋ wo yaa tara le ila kuuñãa kamalita ka baŋ

Bituŋ wo laa tinna a ye tulu fuloolu suki

ŋa ñaa tawuŋ, n si lo na kuuñãa to butuŋ fo ka baŋ

Kuu maŋ nte faandi feŋ-kuu miŋ be n nafaa la siniŋ

Atolu ka minnu kacaa wolu maŋ n bee taama beŋo labaŋ

--Tammam--